

## Ծառայությունների մատուցման պայմանագիր

« 11 » հունիս 2011թ.

ք. Երևան

ՀՀ Արդարադատության Նախարարության ԴԱՀԿ ծառայությունը «այսուհետ՝ Պատվիրատու», ի դեմս ՀՀ գլխավոր հարկադիր կատարող Մ. Պողոսյանի, որը գործում է կանոնադրության հիման վրա, մի կողմից և Հայկ Սլավիկի Վաթյանը, անձնագիր AK 0600456, արված 20.08.2010թ. 004ի կողմից, սոց. քարտ 1904790011, բնակվող ք. Երևան, Բակունցի 2-8, «այսուհետ Վատարող», երկուսը միասին «այսուհետ՝ Կողմեր», հիմք ընդունելով ՀՀ օրենսդրությունը, կնքեցին սույն պայմանագիրը «այսուհետ՝ Պայմանագիր» հետևյալի մասին.

### 1 Պայմանագրի առարկան

1.1 Պատվիրատուն հանձնարարում է, իսկ Վատարողը հանձն է առնում Պատվիրատուին պատկանող ծառայությունում ներդնել գրասենյակի վարման, արխիվի վարման, վարույթների վարման, վարույթների հաշվառման և հաշվետվությունների ստացման, դրամարկղի վարման և դեպոզիտ հաշիվների վարման առցանց համակարգչային /էլեկտրոնային/ համակարգերի «այսուհետ Համակարգ», և իրականացնել դրա տեխնոլոգիական սպասարկման աշխատանքները «այսուհետ Սպասարկում»:

- 1.2 Սպասարկման աշխատանքները իրենց մեջ ներառում են
  - > Համակարգի անխափան աշխատանքի ապահովումը;
  - > Ծրագրային միջոցների նորացումը;
  - > Մոդուլների անվտանգության ապահովումը;
  - > Հիմնական սերվերների, ինչպես նաև ռեզերվային սերվերների միջև աշխատանքների ապահովումը:
- 1.3 Սպասարկումը իր մեջ չի ներառում Համակարգին պատկանող սերվերների տեխնիկական սպասարկման, ախտորոշման և մաքրման, ինչպես նաև բոլոր այն աշխատանքները, որոնք կպահանջեն Համակարգի կառուցվածքային փոփոխություններ կամ նոր ֆունկցիոնալության ապահովում:

### 2 Վճարման կարգը և ժամկետները

- 2.1 Համակարգի Սպասարկման համար Պատվիրատուն Վատարողին վճարում է ամսեկան 132.000 /մեկ հարյուր երեսուներկու հազար/ ՀՀ դրամ, /ներառյալ հարկերը և օրենքով սահմանված պարտադիր վճարները/:
- 2.2 Պատվիրատուն Հձ կետում նշված վճարումը կատարում է յուրաքանչյուր ամիս, տվյալ ամսվա համար վճարը կատարելով մինչև հաջորդ ամսվա 7-ը համաձայն Վատարողի կողմից ներկայացված ակտերի:

### 3 Կողմերի պարտավորությունները

#### 3.1 Վատարողը պարտավոր է,

- 3.1.1 Պատշաճ կերպով իրականացնել Պայմանագրի 1.2 կետով սահմանված Սպասարկման աշխատանքները:
- 3.1.2 Երկու աշխատանքային օրվա ընթացքում արձագանքել և դիտարկել Պատվիրատուի կողմից ներկայացված կանչերին:
- 3.1.3 Վերացնել Պատվիրատուի կողմից Համակարգում հայտնաբերված թերությունները 3 /երեք/ աշխատանքային օրվա ընթացքում:

3.1.4 Պարբերաբար իրականացնել Համակարգում շահագործվող ծրագրերի նորացում:

3.1.5 Պահպանել, չիրապարակել և երրորդ անձանց չտրամադրել Պատվիրատուի առևտրային կամ Բանկային գաղտնիք հանդիսացող տեղեկությունները, որոնք Կատարողին հայտնի են դարձել Պայմանագրի շրջանակներում, Սպասարկման աշխատանքների կատարման արդյունքում:

### 3.2 Պատվիրատուն պարտավոր է.

3.2.1 Տեղեկացնել Կատարողին Համակարգի սերվերի վրա կատարվող փոփոխությունների մասին:

3.2.2 Տեղյակ պահել Կատարողին Համակարգի սերվերի և ծրագրային ապահովման տեղափոխման մասին:

3.2.3 Սպասարկման աշխատանքների կատարման համար վճարել Կատարողին Պայմանագրի 2.1 և 2.2 կետերով սահմանված կարգով, չափով և ժամկետներում:

## 4 Կողմերի պատասխանատվությունը

4.1 Պայմանագրի պայմանները խախտելու դեպքում Կողմերը ենթակա են պատասխանատվության ՀՀ օրենսդրությամբ սահմանված կարգով և չափով:

4.2 Պայմանագրի 2.2 կետով սահմանված ժամկետի խախտման դեպքում Պատվիրատուն պարտավորվում է վճարել տույժ, յուրաքանչյուր ժամկետանց օրվա համար Պայմանագրի 2.1 կետով սահմանված ամսավճարի 0.3 տոկոսի չափով:

4.3 Պայմանագրի 3.1.3 և 3.1.4 կետերով սահմանված ժամկետների խախտման դեպքում Կատարողը պարտավորվում է վճարել տույժ, յուրաքանչյուր ժամկետանց օրվա համար Պայմանագրի 2.1 կետով սահմանված ամսավճարի 3 տոկոսի չափով:

4.4 Կողմերը ենթակա չեն պատասխանատվության Պայմանագրի համապատասխան կետերով սահմանված ժամկետները խախտելու համար, եթե դրանց պատճառ են հանդիսացել մյուս կողմի գործողությունները կամ անգործությունը:

4.5 Տույժերի վճարումն Կողմերին չեն ազատում Պայմանագրով ստանձնած պարտավորությունները կատարելուց:

4.6 Պայմանագրով ստանձնած պարտավորություններն ամբողջությամբ կամ մասնակիորեն չկատարելու կամ անպատշաճ կատարելու համար Կողմերն ենթակա չեն պատասխանատվության, եթե դրա պատճառ է հանդիսացել անհաղթահարելի ուժի ազդեցությունը, որը Կողմերը չէին կարող կանխատեսել և կանխարգելել:

## 5 Պայմանագրի գործողության ժամկետը

5.1 Պայմանագիրը ուժի մեջ է մտնում Կողմերի կողմից կնքման պահից և գործում է անժամկետ:

5.2 Կողմերից յուրաքանչյուրը իրավունք ունի վաղաժամկետ լուծել Պայմանագիրը այդ մասին առնվազն մեկ ամիս առաջ գրավոր հայտնելով մյուս կողմին: Պայմանագիրը վաղաժամկետ լուծելու դեպքում 3 բանկային օրվա ընթացքում Կողմերը իրականացնում են փոխհաշվարկ:

## 6 Լրացուցիչ պայմանները

6.1 Կողմերը երկկողմանի գրավոր համաձայնությամբ իրավունք ունեն փոփոխել Պայմանագրով սահմանված վարձատրությունը, վճարման կարգը, Սպասարկման աշխատանքների կատարման ժամկետները և այլն:

6.2 Բոլոր փոփոխությունները և ավելացումները Պայմանագրում կատարվում են գրավոր և Կողմերի համար պարտադիր են դառնում կնքման պահից սկսած:

- 6.3 Կողմերը միմյանց ներկայացնում են պատասխանատու աշխատակիցների մասին տվյալներ: Կողմերի տվյալ աշխատակիցները գործում են նրանց անունից և համարվում են լիազոր ներկայացուցիչներ:
- 6.4 Կողմերը տրամադրում են միմյանց գործառնական հեռախոսահամարներ և էլեկտրոնային փոստի հասցեներ, Պայմանագրով նախատեսված Մպասարկման աշխատանքները կազմակերպելու համար:
- 6.5 Վթարի կամ սխալի դեպքում Պատվիրատուի ներկայացուցիչը բանավոր Կատարողին ներկայացնում է կանչ, որով նշվում է վթարի կամ սխալի նկարագրությունը:

### 7 Այլ պայմաններ

- 7.1 Կողմերի միջև Պայմանագրի պայմանների կատարման ընթացքում ծագած վեճերը առաջնահերթության կարգով լուծվում են բանակցությունների միջոցով, իսկ համաձայնության չգալու դեպքում՝ դատական կարգով:
- 7.2 Բոլոր այն պայմանների դեպքում, որոնք նշված չեն Պայմանագրում, Կողմերը ղեկավարվում են ՀՀ քաղաքացիական օրենսդրության համապատասխան դրույթներով:
- 7.3 Եթե Պայմանագրի կետերից որևէ մեկը ինչ-որ պատճառով ճանաչվում է ուժը կորցրած կամ անլուծելի, դա չի ազդում մյուս կետերի վրա և դրանք չեն կորցնում իրենց իրավաբանական ուժը:
- 7.4 Պայմանագիրը կազմված է երկու օրինակից, որոնք ունեն հավասար իրավաբանական ուժ: Դրանցից մեկը տրվում է Կատարողին, իսկ մյուսը՝ Պատվիրատուին:

### 8 Կողմերի վավերապայմանները և ստորագրությունները

Պատվիրատու  
ՀՀ Արդարադատության Նախարարության  
ԴԱՀԿ ծառայություն  
ք. Երևան Հայաբյան 41ա  
թիվ մեկ գանձարկեսական բաժանմունք

ՀՀ 900013288023

ՀՎՀՀ 01223338

ՀՀ Գլխավոր հարկադիր կատարող՝

Մ. Պողոսյան

Կատարող  
Հայկ Սլավիկի Վաթյան  
անձն. AK 0600456  
ք.Երևան, Բակունցի 2-8

